



08. marts 2012

UPA 2012/56

Inatsisartut Suleriaasianni § 33 naapertorlugu aalajangiiffigisassatut siunnersuut imattoq matumuuna saqqummiupparput:

Sulismik avataaneersumik atorfinititsinissamut imaluunniit sulisitsinissamut atatillugu ullut 14-it qaangiutinnginneranni itigartitsisummik akuersisummilluunniit akissuteqarnissamut pifissarititap qaammatinngortillugu sivitsorneqarnissaa anguniarlugu, Kalaallit Nunaannut suliffissarsiorut killilersimaarnissaat pillugu Inatsisartut inatsisaata nr. 27 30. oktober 1992-imeersup allanngortinnejarnissaa siunertaralugu Inatsisartut aalajangiiffigisassaattut siunnersuut.

(Inuit Ataqatigiit Inatsisartuni ilaasortaatitaat)

Tunngavilersuut:

Kalaallit Nunaannut suliffissarsiorut killilersimaarnissaat pillugu Inatsisartut inatsisaat nr. 27 30. oktober 1992-imeersoq naapertorlugu atorfinnut inatsimmi § 2-mi pineqartunut, avataaniit sulisussarsiorneq Nunatsinni sulisussanik aatsaat pissarsisoqarsinnaanngikkaangat pisinnaavoq. Suleriuseq ullumikkut malinneqartussaq naapertorlugu suliffissarsiuussisarfinit pisussaaffigivaat illoqarfimmi imaluunniit Kalaallit Nunaanni suliffissarsiuussisarfinit allanit sulisussamik Kalaallit Nunaanneersumik atorfimmur piukkunnaateqartumik innersuussisoqarsinnaanersoq misissoqqaassallugu. Atorfik aatsaat Kalaallit Nunaanneersumik inuttalerneqarsinnaanngippat sulisitsisoq kommunalbestyrelsemut sulisussamik avataaneersumik atorfinititsinissaminut akuersisummiit qinnuteqaateqarsinnaavoq. Inatsimmi § 6, imm. 3-mi aalajangersarneqarsimasoq naapertorlugu sulisitsisumut akuersissut tunniunneqartutut isigineqalersarpoq qinnuteqartup qinnuteqaatimi tunniunneranit ullut 14-it qaangiutsinnagit allamik nalunaarutisisimanngippat.

Illoqarfinni suliffissaaleqineq qaffakkiartortoq Naatsorsorsueqqissaartarfiup kisitsisaataasa kingulliit takuteqqammerpaat. 2011-mi decemberimi illoqarfinni sulisinnaasunut sanilliullugit suliffissaaleqinermik eqqugaasimasut %-inngorlugit 10,3 %-inut amerleriaateqarsimapput, pifissamilu aggersumi ilorraap tungaanut saariartoqarnissaa ilimanaateqarani. Taamaakkaluartorli illoqarfinni annerni takulertornartoq tassavoq sulisussanik avataaneersunik tikisitsiuarneq – pingaartumik sanaartornerup, eqqiaasitsisarnerup, akunnittarfegarnerup neriniartarfegarnerullu iluani, uffa atorfiiit tamakku nunaqavissunik kivinneqarsinnaassasut takorloornaraluartoq.

Soorunami pissutsit taamaalernerat attattuarneqarsinnaanngilaq oqaatigisariaqporlu tamanna Inatsisartut inatsisiliuuseqqaarnerannut naapertuukkunnaarsimasoq.

Siunertarineqanngisaannarsimavoq suliffissaaleqisoqartillugu aammalu sulisartunik Kalaallit Nunaanneersunik atorfinnut innersuussisoqarsinnaatillugu sulisussanik avataaneersunik atorfinititsisarnissaq.

Inuit Ataqatigiinni tunngaviusumik isumaqarpugut atorfiiit inuttaqanngitsut sapinngisamik nunaqavissunik inuttalerneqartassasut, taamaaliornikkut akileraarutitigut isertitassat aammalu ilisimasat Nunatsinniiginnarsinnaaniassammata. Inuit Ataqatigiit aammattaaq anguniagaraarput innuttaasut tamakkiisumik ilaannakortumilluunniit imminnut pilersorsinnaalerlutilu inuiaqatigiit aningaasarsiornikkut ineriarngerannut

ikorfartueqataalersinne-qassasut inuttut namminneq aamma ineriertuutigisaminnik.

Avataaniit suliartortut pillugit inatsit nutarteriffiqissallugu taamaammat piffissanngorsorinarpooq. Inatsisip atortinneqarneranut atasumik suleriaatsit allanngortittariaqarput. Taamatuttaaq sumiifikkaartumik sulisoqarnikkut soqutigisaqaqtigiiffit, soorlu GA-p aammalu SIK-p immikkoortortaqarfii qanitut peqataatinneqalernissaat aqqutissiuunneqartariaqarpoq aammalu inatsit siunertamisut atortinneqarnersoq pillugu nakkutiginninneq sukaterteriaqarluni.

Aalajangiiffiqisassatut siunnersuut matumani pineqartoq inatsimmi § 6, imm. 3-mi piffissarititaasoq pillugu aalajangersakkamut taamaallaat tunngatinneqarpoq, siunnersuutimmi matuma saniatigut aamma Inuit Ataqatigiit aalajangiiffiqisassatut siunnersuutigivaat kommunenit tamani suliffissaqartitsinermik ataatsimiititalianik pilersitsisoqassasoq, sulisumik avataaneersumik atorfinititsisoqartinnagu tamatigut tusarniaavigineqartartus-sanik.

Taamaattumik siunnersuutigineqarpoq sulisumik avataaneersumik atorfinititsinissamut imaluunniit sulisitsinissamut atatillugu ullut 14-it qaangiutinnginneranni itigartitsissummik akuersissummilleunniit akissuteqarnissamut piffissarititaasoq qaammammik ataatsimik sivisussuseqalissasoq.

Sivitsuinerup kommunemi suliffissarsiuussisarfiit piffissaqarnerulersissavai, taamaalillutillu sulisinnaasut akornanni kikkut inatsimmi § 2-mi § 3-milu piumasarineqartut naapertorlugit kalaaliusutut naatsorsuunneqarsinnaandersut pillugit suliaqarneq periarfissagissaarnerulissalluni. Tamanna aqqutissiuunneqarsinnaappat avataaniit suliartortartut killilersimaarneqarnerat pitsaanerulersinneqassaaq taamaaliornikkullu suliffissaaleqineq aamma apparsarneqarsinnaanngussalluni.

Aningaasarsiornikkut allaffissornikkullu pisortanut kingunissai.

Inatsisitigut aaqqiissuteqarnissaq suliassaqarfimmuit aningaasaliussaareersut iluannit matussuseqarsinnaassasoq naatsorsuutigisariaqarpoq. Siunnersuutip matuma saniatigut GA-p aammalu SIK-p immikkortortaqarfisa peqataaffigaannik sulisunik avataaneersunik atorfinititsisoqartinnagu, kommuneni suliffissaqartitsinermik ataatsimiititalianik tusarniaavigineqartussanik pilersitsisoqassasoq aamma siunnersuutaammat, tamanna kommunit aningaasartuuteqarnerulerannik nassataqaratarsinnaassaaq.

Taamaattorli aningaasaleeqittariaqarneq Akileraartarnermut Atugarissaarnermullu Isumaliqatigiissitap inerniliussaanut matumunnga nallersuunneqartariaqarpoq; inuup ukiumi ataatsimi pisortanit ikorsiissutisiani sulilernermigut taarserunigit pisortat aningaasaataat 220.000 kr.-init ikinnerunngitsunik pitsanngoriassagaluarput.

Aningaasarsiornikkut allaffissornikkullu namminersorlutik inuutissarsiortunut kingunissai.

Siunnersuut aningaasarsiornikkut allaffissornikkullu namminersorlutik inuutissarsiortunut ajorseriaataasussamik kinguneqassangatinneqanngilaq. Paarlattuanik naatsorsuutigisariaqarpoq siunnersuut sulisitsisunut ileqqaarutaassasoq avataaniit suliartortitanut sulisitsisup aningaasartuutigisartagai sipaardeqarsinnaanngussammata.

Aningaasarsiornikkut allaffissornikkullu innuttaasunut kingunissai.

Siunnersuut piviusunngortinneqarpat suliffissaaleqisut amerlanerusut imminnut pilersorsinnaalerlutilu inuiaqatigiit aningaasarsiornikkut ineriertornerannut ikorfartueqataalersinneqassapput inuttut namminneq aamma ineriertuutigisaminnik.